



Inatsisartuni ilaasortaq
Mikivusuk Thomassen
Inuit Ataqaatigiit

§ 37 naapertorlugu apeqqutip akineqarnera - Isorliunerusuni ilinniartitaanernut tunngatillugu

03-08-2018
Suliap normua 2018 - 15393
Allakkat nr. 8351556

Asasara Mikivusuk Thomassen

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullingguuttuni ataatsimut akissuteqarfigissavakka.

Apeqqut 1: Naalakkersuisut sineriammi najugaq qimannagu ilinniaqqinnissamut annertusaanissamik pilersaaruteqarpat?

Apeqqut 2: Naalakkersuisut isorliunerusuniittunut najugaq qimannagu ilinniaqqinnissamut annertusaanissamik pilersaaruteqarpat?

Apeqqut 3: Najugarisaq qimannagu ilinniaqqissinnaanerup annertusarnissaanik Naalakkersuisut pilersaaruteqarpata qaqugu aallartinneqarsinnaanera, ilinniakkallu suut naatsorsuutigineqarsinnaappat?

Apeqqutigineqartunut pingasuusunut tamanut akissutit: Assersuutigalugu isumaginninnerup iluani, ilinniartitsisunngorniarnernup aamma inunnik isumaginnittunngorniarnernup iluini najugaq qimannagu ilinniarnissamut periarfissat pioreersut saniasigut Sisimiuni eGUX-imi misiligutitut ilinniarnermik aallartitsisoqarsimavoq. Taamatut misiliinermi Sisimiuni ilinniarnertuunngorniarnernup 2018-imi septembarimi aallartereersumik ilinniarnertuunngorniarnernut ilaasumik qarasaasiatigut ilinniarnertut ittut ilassutitut ilinniarnernit aamma ilinniarnernit ataasiakkaat arlallit neqeroortiginiarpai. Atuarfiup ukiup atuarfiusup 2019/2020-ip aallartinnerani ilinniartunut nutaanut neqeroorsinnaalernissaa neriuutaavoq, matumanilu atuartut ilinniarnertuunngorniarnissamut piareersarfiusumik ilinniarnermi ukiunik marlunnik sivirususilimmi aamma naliginnaasumik ilinniarnertuunngorniarnermi ukiunik pingasunik sivirususilimmi angerlarsimaffimmi aallartissinnaanissaat neriuutaalluni. Ilinniarnertuunngorniarnermik qarasaasiakkut ingerlanneqartumik neqeroorteqarsinnaanermi aamma assersuutigalugu ilinniartut immikkut pisariaqartitalit neqeroorfigineqarsinnaapput, tassami ilinniarnertuunngorniarnerni ilinniarneq ilusilersorluakkamik ingerlanneqartarmat aamma ilinniarneq naliginnaasooq malinnagu najuunnissaq pisariaqartinneqanngimmat. eGUX taamaalilluni GUX-S-imik misiliinermut tapertaalerpoq, tassani ilinniartunut immikkut pisariaqartitalinnut ilinniarnertuunngorniarnermik pilersitsinissaq sulissutigineqarluni. eGUX-imi

misilittagaalersut, annerusumillu najugaq qimannagu ilinniarnert ineriartortitsiffiunissaat siunertaralugu ilinniartoqarfinni allani atorneqarsinnaalersillugit.

Tamatuma saniatigut ilaatigut perorsaanermt susassaqaqfiup iluani najugaq qimannagu ilinniarnissamut neqeroorsinnaanermt periarfissanik misissuinerik aallartitsisoqarsimavoq, isumaginninnerullu iluani ilinniaqqittoqarsinnaanermt tunngatillugu ataatsimut pisariaqartinneqartut periarfissallu pillugit ilinniartitaanermt, Kulturimut ilageeqarnermullu Naalackersuisoqarfiup aamma Isumaginninnermt Inatsisinillu Atuutsitsinermt Naalackersuisoqarfiup akornanni misissuinerik ataqatigiissaarinermillu aallartitsisoqarsimavoq. Matumanilu pikkorissartitsinermt ilinniarnernullu atatillugu najugaq qimannagu ilinniarnissamut aaqqiussutissanut periarfissat takunissaannut aamma kissaateqartoqarpoq, taamaattoq ilinniarnert pitsaassusaat tamatigut pigiinnartarlugu.

Aammattaaq taartaallutik ilinniartitsisut qaffassarnissaannut qanoq pisariaqartitsisoqartiginersoq misissorniarlugu aallartitsisoqarsimavoq, tassani najugaq qimannagu ilinniarnissamut aaqqiussutissat periarfissanut ilaatillugit. Sulinermt tassani ilinniartitsinermt ilisimatusarfik aamma ilinniartitaanermt Aqutsisoqarfik ilaapput, taamaaliornermilu pikkorissartitsinissanut ilinniarnissamullu neqeroorutit isiginiarneqarput.

Suliniutaasut aallartinneqariingikkunik aallartisarneqartut nassuiarneqareersut saniasigut qarasaasiakkut ilinniarneq Naalackersuisut ilinniartitaanermt aaqqiussusseqqinneranni sammisanut pingaarnernut ilaavoq. Aaqqiussusseqqinnermt pilersaarusiortut assigiinngitsut susassaqaqfinnut assigiinngitsunut ukkataqartut takussaapput. Eqimattakkaani ataaseq qanoq iliorluni qarasaasiakkut ilinniartitsinerup sutigut ineriartorfiusinnaaneramik aamma 1. klassimiit 12. klassimut ataatsimut ilanngunneqarsinnaaneramik suliaqarpoq. Ilinniartitaanerup aaqqiussuteqqinnera 2018-imut ilinniartitaanermt Pilersaarummi paasisaqarneruffigisinnaavat, taannalu link una atorlugu atuarsinnaavat:

<http://naalackersuisut.gl/~media/Nanoq/Files/Publications/Uddannelse/Uddannelsesstraegi%202018.pdf>.

Suleqatigiit 2018-ip naajartornerani qarasaasiakkut ilinniarnernup ineriartortinnissaanut inassutigisatik tunniukkumaaraat neriuutigineqarpoq. Inassutigineqartut qarasaasiakkut ilinniarnernup ineriartortinnissaanut tunngaviliissapput. Taamaaliortoqarnissaa neriuarpoq, pingaartumik meerartavut inuusuttortavullu amerlanernik periarfissaqaqqullugit aammali taamatut ilinniartitsineq aqutugalugu atuartut ilinniartullu tamarmik ilisimasaqalerlutillu piginnaasaqalissammata. Taamaaliornikkut siunissami kikkut tamarmik peqataanissaminnut periarfissaqarluarnissaat, najugarlu qimannagu ilinniarnermik naammassinninnissaat anguniarlugit.

Inussiarnersumik inuulluaqqusilluta


Vivian Motzfeldt